



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
10 Marsu 2016

Violénsia Seksuál nu'udar asuntu krítiku ba fetu no fetu ran sira iha Timor Leste: Relatóriu temátiku JSMP 2012-2015

JSMP (Judicial System Monitoring Programme) sei lansa relatóriu temátiku ho titlu: 'Akuzasaun, Julgamentu no Sentensa iha Kazu Violénsia Seksuál iha Timor-Leste periodu 2012-2015'. Relatóriu ne'e sei lansa iha 11 Marsu 2016 iha edifisiu JSMP, rua setubal Colmera Dili.

Relatóriu ne'e esplika kona-ba situasaun fetu no fetu-ran sira ne'ebé afeita direita no sai vítima husi krime violasaun seksuál. Relatóriu ne'e produs bazeia ba rezultadu peskiza no monitorizasaun JSMP nian hahu husi prosesu akuzasaun, julgamentu no desizaun ba kazu violénsia seksuál sira.

“Krime sira violénsia seksuál hasoru fetu no fetu-ran akontese ho nia natureza ne'ebé própriu no kompleksu no asuntu ida ne'ebé krítiku teb-tebes iha Timor-Leste. Tanba ne'e imporante ba ema hotu atu fo prioridade ba kestaun ne'e hodi nune'e fetu no fetu-ran sira la-kontinua sai vítima husi hahalok ne'e liu-liu iha prosesu justisa” dehan Diretór Ezekutivu JSMP, Luis de Oliveira Sampaio.

JSMP observa katak tribunál sira iha Timor-Leste halo progresu importante iha aspeitu sentensa balun ba kazu violénsia seksuál sira, ne'e inklui desizaun sira ne'ebé apropriadu iha kazu abuzu ba labarik sira no indimnizasaun ba vítima sira. JSMP mós observa no rekoñese katak ministériu públiku, defeza no juis sira nafatin esforsu no servisu makas hodi fo prioridade ba kazu sira ne'ebé ho natureza violénsia seksuál.

JSMP kompriende katak ho limitasaun no kontinua hasoru dezafius maibe sira konsege halo mudansa importante no signifkativu hodi hametin sistema legál no hasae konfiansa vítima no publiku iha jéral ba sistema justisa.

Maske nune'e JSMP observa mós katak kazu violénsia seksuál barak mós kontinua hetan tratamentu la-ho adekuadamente husi tribunál sira liu-liu iha akuzasaun hasoru arguidu sira, no sentensa sira ne'ebé la-konsistente no dalabarak la-reflete ho nivél gravidade husi krime ne'ebé arguidu sira komete. Iha sistema legál mós adopta prátika sira ne'ebé falla atu proteje vítima sira nia direitu ho adekudu inklui direitu ba konfidensialidade no seguransa.

Relasiona ho JSMP nia deskobrementu sira ne'e, JSMP rekomenda atu autór judisiáriu sira bele eskolla akuzasaun ne'ebé apropriadu liu no aplika sentensa tuir gravidade krime ne'ebé arguidu komete. Aleinde ne'e JSMP mós rekomenda atu iha matadalan ba sentensa hodi asegura

konsistensia ba aplikasaun sentensa sira.

JSMP hein ho laran metin atu hetan ka simu komentáriu ka observasaun ruma relasiona ho relatóriu ne'e. Relatóriu ne'e disponivel iha lian Tetun no Inglês. Ita boot sira bele asesu mos relatóriu refere iha: www.jsmp.tl .

Relatóriu ne'e produz no publika liu husi apoiu finansieru husi The Asia Foundation-TAF, ne'ebé finansia husi AusAid liuhusi programa Nabilan.

Atu hetan informasaun kompleitu, favor kontaktu:

Luis de Oliveira Sampaio
Diretór Ezekutivu JSMP Diresaun
E-mail: luis@jsmp.minihub.org